



**JUNTA DEL VALLE DE AEZKOA  
AEZKOAKO BATZARRE NAGUSIA**

31671 ARIBE (Navarra) · CIF: P3175000C  
Tel: 948 76 43 75  
jvaezkoa@infolocal.org  
valledeaezkoa@gmail.com  
www.aezkoa.org

Ariben, 2021eko maiatzaren 14an, arratsaldeko ordu bietan, Aezkoako Batzarre Nagusiak, bilkura arrunta egin du, lehenengo deialdian, legez deituta, haren presidente titularrak zuzenduta eta jarraian adierazten diren kideak bertan zirela, eguneko honako gai hauek aztertzeko:

Eguneko gaiak:

**BILDUTAKOAK**

**Batzarreburua:** Karlos Bueno Reka

**Batzarrekideak:** Martínez Juango, Ainhoa – Merino Iriarte, Juan Esteban – Reta Trevejo, Leire – Santomá Vicens, Gonzalo- Zabalza Barberena, Izaskun.

**LEHENA.- AURREKO BILKURAREN AKTA ONESTEA**

Eragozpenik agertu ez denez, onetsita gelditu da 2021eko martxoaren 26an egindako bilkuraren akta.

**SEGUNDO.- DIRULAGUNTZEN DEIALDIA. AEZKOAN GIZARTE, KULTUR, KIROL ETA BELAUN ARTEKO JARDUERAK ANTOLATZEN DITUZTEN IRABAZI ASMORIK GABEKO TALDE, KOLEKTIBO ETA ELKARTEENTZAT**

1- XEDEA ETA JASOTZAILEAK

Deialdi honen xedea da gizarte, kultur, kirol eta belaun-arteko jarduerak antolatzen dituzten irabazi asmorik gabeko talde, entitate, kolektibo eta elkarteentzako dirulaguntzak emateko sistema ezartzea. Talde horien helbide soziala Aezkoakoan egon behar du, eta bertan ere jardun behar dute.

Halaber, Pirinioetako eremuan helbide soziala ez duten beste entitate batzuek ere dirulaguntza jaso ahaliko dute, Aezkoako biztanleei zuzendutako aktibitateak antolatzen badituzte. Kasu horretan diruz lagunduko dira bakarrik aktibitate horietatik partaide edo jasotzaile aetzei dagokien gastua, aurrerago zehaztuko den moduan.

\*\* 4/2019 Foru Legeak, otsailaren 4koak, ezarritakoaren arabera, gehi Arztibar eta Orotz-Betelu.

Dirulaguntzen xedea da 2021. urtean zehar Aezkoako biztanleei zuzendutako kultur, hezkuntza, kirol, gizarte eta aisialdi ekintzak eta aktibitateak sustatzea eta laguntzea. Jarduera horiek haraneko bizitza publikoko parte hartzea bultzatu behar dute elkarketa, kultura, hezkuntza, gizarte edo aisia arloetan. Aurrikusitako aktibitateen iraupena aurtengo urtera mugatzen ez bada, bakarrik finantziatuko da 2021. urteari dagokiona, urteko bereizketa egin ezin den ikastaro osoen kasuan izan ezik.

2- KANPO GELDITZEN DIRENAK

2.1- Deialdi honetatik kanpo gelditzen dira antolatzaileen asistentzia gastuak, (lan-sariak, dietak, kilometraia eta abar), opariak, jarduera gastronomikoak (bazkariak, otamenak...), elkarte edo kolektiboaren mantenamendu gastu orokorrak, aktibitateak egiteko beharrezko materiala

eta Aezkoatik kanpo egiten diren eta elkartearen xedearekin zerikusia ez duten aktibitateak.

2.2- Materialen kasuan, kostuaren parte bat finantzatzea aztertuko da, dirulaguntzaren xedea den proiektua gauzatzeko guztiz beharrezkoak badira eta harekin guztiz lotuta badaude.

2.3- Halaber, dirulaguntzetatik kanpo gelditzen dira bidaiak eta inbertsioak.

2.4- Kanpo gelditzen dira ere Batzarre Nagusiak beste aurrekontu lerro batetik, osorik edo partzialki, diruz lagundutako aktibitateak, edozein dela kopurua.

### 3. BALDINTZAK

#### *3.1- Eskatzaileenak*

Dirulaguntzak jaso ahalko dituzte helbide soziala eta aktibitatea Aezkoan duten talde, entitate, kolektibo eta elkarteak, edo, kanpokoak izanik ere, bere aktibitatearen parte bat Aezkoan garatzen dutenak eta honako baldintza hauek betetzen dutenak:

- Irabazi asmorik gabekoak izatea.
- Kultur, kirol, hezkuntza, gizarte edo aisialdi jarduerak egitea.
- Nafarroako Gobernuako Entitateen Erregistroan inskribatuta egotea.
- Ogasunarekin eta Gizarte Segurantzarekin zorrik ez izatea, eta hori egiaztatzeko bidezko egiaztagiria aurkeztu beharko dituzte.
- Aezkoako Batzarre Nagusiarekin zorrik ez izatea. Puntu hau Batzarre Nagusiak berak egiaztatuko du.

#### *3.2- Programatutako aktibitateenak:*

- Publikoak izanen dira, eta zuzendutako kolektiboan sartzen diren Aezkoako bizilagun guztiei zuzendutakoak; eta, hortaz, haraneko herri guztietan iragarriko dira, aldez aurretik beharrezko denborarekin. Modu berean, Batzarre Nagusiari jakinaraziko zaio web-orrian jarri ahal izateko. Aezkoako Batzarre Nagusiak diruz laguntzen dituen aktibitate guztien publizitatea euskaraz eta gaztelaniaz egingen da, euskara lehenetsita.

- Dirulaguntza antolatutako aktibitateetan parte hartzen dutenen matrikula kostuak gutxitzeko eskatzen den kasuetan, partaideek Aezkoako herrietako batean erroldatuta daudela, urte bat aitzin, eta bertan urtean gutxienez bederatzi hilabetez bizi direla egiaztatu beharko dute.

### 4. ESKARIAK AURKEZTEKO LEKUA ETA EPEA

Proiektuak, behar bezala osaturik, Aezkoako Batzarre Nagusiko Erregistroan edo edozein erregistro ofizialean aurkeztuko dira, deialdia Nafarroako Aldizkari Ofizialean argitaratzen den egunetik hasita, 30 egun naturaleko epean, Aezkoako Batzarre Nagusian, astelehenetik ostiralera, 09:00 – 13:00 bitartean. Administrazio Publikoen Administrazio Prozedura Arruntaren urriaren 1eko 39/2015 Legearen 16. artikuluan xedatutakoaren arabera.

Gaiari dagokion Batzarre Nagusiko batzordeak uste badu dokumentazio gehiago aurkeztu behar dela, 39/2015 Legeak, urriaren 1ekoak Administrazio Publikoko Prozedura Administrazio Arruntarenak, 68 artikuluan ezarritakoari jarraituz, eskatzaileari eskatu ahalko dio eskaria osatu edo argitu dezan, eta akatsa zuzentzeko edo dokumentazio gehigarria aurkezteko hamar lan-

eguneko epea emanen dio, jakinarazpena jaso eta hurrengo egunetik hasita. Eskatutakoa emandako epean egiten ez bada, eskaria desestimatu eta artxibatuko da.

## 5. AURKEZTU BEHARREKOA

Proiektuak honako agiri hauekin batera aurkeztuko dira:

### -Instantzia orokorra

Oinarri hauei atxikitako eranskinean agertzen den arabera. Bertan entitate eskatzailearen datuak agertuko dira.

### -Proiektuaren azalpena:

1- Proiektuaren izena eta aktibitateak; proiektu edo aktibitatearen arrazoiak; erdietsi nahi diren helburuak; egin beharreko aktibitate(ak) zehatza(k); garapenean erabiliko den metodologia; martxan jartzeko entitateak dituen giza, material eta finantza baliabideak.

2- Proiektua edo aktibitatea gauzatuko den lekua, iraupena eta datak.

3- Erakunde bakoitzak proiektu bakarra aurkeztu ahal izanen du laguntza-deialdi honetara, oinarri hauetako 1. puntuan aurreikusitako beste elkarte edo erakunde batzuekin lankidetzan antolatzen denean izan ezik; azken kasu horretan, proiektu propio bat onartuko da, eta, gehienez ere, lankidetzako beste bat. Kasu horretan, parte-hartzaile bakoitzak argi eta garbi zehaztu beharko du zer parte-hartze duen programatutako jardueretan edo, oro har, proiektuan.

### -Alderdi ekonomikoak

1- Aktibitatea edo proiektua gauzatzeko entitateak dituen material eta finantza baliabideak: proiektua osatzen duten aktibitate guztien aurrekontu zehatza. Beharrezkoa da honako atal hauek guztiak agertzea:

1.1 - Gastuen aurrekontua, aktibitateen arabera banatutakoa.

1.2 - Diru-sarreren aurrekontua. Beste entitate bati finantzazioa eskatu bazaio, atal honetan adieraziko da (kopurua eta eskatu zaion entitatea).

1.3- Batzarre Nagusitik jaso nahi den dirulaguntza kopuru zehatza edo gastuen proportzioa.

1.4- Entitateak dituen baliabide propioak, parte-hartzaileen edo ikasleen kuotak...

2- Dirulaguntza kobratu ahal izateko kontu zenbakia.

3- Dirulaguntza parte-hartzaileen matrikulentzat eskatzen den kasuetan, horien zerrenda erantsiko da, izena, bi abizen eta herria adierazita. Batzarre Nagusiak berak egiaztatuko du zerrendan agertzen direnak haranean eroldaturik dauden eta bertan bizi diren.

## 6. ESKARIEN EBALUAZIOA

Dirulaguntzen balorazioa eta proposamena egiteko batzorde bat eratuko da, honakoekin osatutakoa: Batzarre Nagusiko Euskara, Kultura eta Hezkuntza batzordea, Oinarrizko Gizarte Zerbitzuko gizarte hezitzailea eta dinamizatzaile sozio-kultural bat. Batzordeak elkarteei eskatu ahalko die

bidezko ikusten duen informazioa edo kideetako batekin elkarrizketatzea, egindako ekintzen jarraipena egiteko. Modu berean, eskariak aztertzeke teknikari gehiago egotea eskatu ahalko du.

### 7.- ARAU-HAUSTEAK

Dirulaguntza jasotzeak berarekin dakar oinarri hauetan zehaztutako konpromisoak betetzea, dirua adierazita xederako erabiltzea eta gastuak justifikatu behar izatea.

Onuradunak arauen bat hausten badu, Batzarre Nagusiak erabaki ahalko du dirulaguntza bertan behera uztea edo itzultzea eskatzea, oinarri hauetan adierazitako arrazoiengatik. Gainera, eskatzailea edo onuraduna hurrengo deialdietatik kanpo geldituko da.

Honako hauek hartuko dira arau-haustetat:

- a) Dirulaguntza jasotzea exijitutako baldintzak bete gabe.
- b) Oinarri hauetan ezarritako dokumentazioa ez aurkeztea, horretarako bertan finkatutako epean.
- c) Aktibitate beragatik gastua baino dirulaguntza kopuru handiagoa jasotzea entitate desberdinetatik.

### 8.- BALORATZEKOAK

Dirulaguntza emateko honako alderdi hauek baloratuko dira:

a) Proiektuaren interes soziala: jasotzaile kopurua, proiektua zuzenduta dagoen partaideen profila, proiektuaren xedea duen jarduera eskualdean duen presentzia (bakarra den edo ez), proiektua beste jarduera baten osagarria den. Lehentasuna izanen dute hezkuntzaren arloko proiektuek eta eskola garaian dauden haurreei zuzendurikoeak. 0-20 puntu bitartean kalifikatuko dira, azpi-atal hauen arabera:

- 0-5 punturen artean: 0 puntu, profil bakar bati zuzenduta lan egiten duen eta ekintza bakar eta zehatz baterako eskatu duen entitatea; 5 puntu, erabiltzaile profil zabala duen eta ekintza asko eskaintzen dituen entitatea.

- 0-5 punturen artean, eskualdean dauden baliabideak garatzen edo osatzen dituzten proiektuentzako: 5 puntu, dauden beste proiektu batzuk eta beste entitate batzuek garatzen dituzten ekintzak osatzeari begirako ekintzetarako.

- 0-5 punturen artean, eskola garaian dauden adin txikiko kolektiboari zuzendutako aktibitateak. 0 puntu kolektibo hori kontuan hartzen ez dutenentzat; 5 puntu bakarrik kolektibo horri zuzendutakoentzat.

- 0-5 punturen artean, eduki hezitzailearen arabera proiektuak. 5 puntu, izaera hezitzailea soilik dutenentzat eta 0 puntu, izaera hezitzailerik ez dutenentzat.

b) Herritarren inplikazioa garatuko diren aktibitateen antolaketan, profesionalek egiten duten lan proportzioaren arabera. 0-5 puntu artean jasoko da. 0, profesionalekin soilik aritzen diren entitateentzat eta 5 puntu, ahalik eta boluntario kopuru handien lan egiten duten entitateentzat.

c) Proiektuaren bideragarritasuna. 0-5 puntu bitartean emanen dira. 5 puntu, diru-ituri bakar bat duenentzat eta 0 puntu, finantzazioa bestelako diru-iturriekin osatu ahal duenentzat.

d) Aktibitateak 2021. urtea bukatutakoan jarraipena izateko dituen aukerak. 0-5 puntu artean emanen dira. 0 puntu, aktibitate zehatzentzat eta 5 puntu, jarraipena duten aktibitateentzat.

e) Proiektuaren aurrekontu osoa eta parte-hartzaile bakoitzeko aurikusitako kostua. Beste entitateetako diru-ekarpenak kenduko dira, egonez gero. 0-5 puntu artean baloratuko da, proportzionalki.

f) Aktibitatea garatzeko orduan euskararen erabilera baloratuko da, 0-5 punturen artean. 5 puntu emanen dira euskaraz soilik garatzen diren aktibitateentzat.

g) Proiektuak ere kontuan hartuko da baliabide ekonomiko urriak dituzten pertsonentzako eskuragarria izateko eskaintzen diren aukerak. 0-5 punturen artean, aurikuspenaren arabera.

h) Proiektuak sustatzeko eta garatzeko kolektiboen arteko lankidetzak baloratuko da. Lankidetzak hori memorian eta esku hartzen duen erakunde bakoitzari esleitutako zereginen artikulazioan egiaztatuko beharko da. 0 eta 10 puntu artean emanen dira, eta 10 puntu emanen zaizkie bi kolektibo/elkarte baino gehiago inplikatzeko dituztenei (1. oinarrian zerrendatutakoetatik). 5 puntu lortuko dituzte kolektibo horietako bi (elkartek) inplikatzeko dituzten eta proiektuan modu proportzionalean parte hartzen duten kolektiboek.

i) Honakoak baloratuko dira: Berdintasuna sustatzea, pertsonak edo kolektiboak ez diskriminatzea, gizarteratzea eta hizkuntza inklusiboa erabiltzea proiektuaren aurkezpenean eta garapenean. 0 - 5 puntu..

## 9. FINANTZAZIOA

Dirulaguntzak finantzatzeko dira Aezkoako Batzarre Nagusiko 33400-4890001- *kultura, kirol eta belaunaldi-arteko aktibitateentzako dirulaguntzak* izeneko Gastuen Aurrekontuko lerroaren kargura (8.000,00 €). Partida erabiliko da aurkeztutako eskariak partzialki edo osorik finantzatzeko. Deialdi honetan aurikusitako dirulaguntzak emateko prozedura kompetenziaren lehiaren erregimenean tramitatuko da: aurkeztutako eskariak konparatuko dira, 38/2003 Legearen, Dirulagutzen Orokorrena, arabera.

Dirulaguntzaren portzentaia eta zenbateko hauek ezarri dira: proiektu bakoitzak %80 dirulaguntza, eta, gehienez 2.000 euro, jasoko du.

## 10. ESKAEREN EBAZPENEA

Aezkoako Batzarre Nagusiko Osoko Bilkurak ebatziko ditu eskariak, Balorazio Batzordearen proposamena aurkeztu ondoren. Emandako ebazpenaren berri emanen zaie interesatutakoei, hilabete bateko epean, eskariak aurkezteko epea bukatzen denetik hasita. Emandako kopurua ordainketa bakar batean jasoko da, izandako gastuak justifikatutakoan, 11. Oinarrian aurikusitako kasuan izan ezik.

## 11. DIRULAGUNTZAREN JUSTIFIKAZIOA

Batzarre Nagusiaren dirulaguntza jaso duten taldek, kolektibo edo elkartek, 2021ko azaroaren 30a baino lehen, diruz lagundutako proiektuaren

exekuzioko azken justifikazioa aurkezteko konpromisoa hartzen dute, eta bertan honakoa jasoko da:

Proiektua gauzatu bitartean, puntuazioa lortu duten alderdi guztiak egin direla egiaztatzea. Horietakoren bat edo batzuk justifikatzen ez badira, diru-laguntza % 20 murriztuko da justifikatu gabeko alderdi bakoitzeko.

- Egindako jardueraren memoria zehatza, jardueraren onuradunen kopurua adierazita.

- Diruz lagundutako jarduerari dagozkion diru-sarreraren eta gastuen azken zerrenda.

- Proiektuari dagozkion fakturen kopia konpultsatua, emandako diru-laguntzaren zenbateko osoarekin. Fakturekin batera, haien zenbatekoa ordaindu dela egiaztatzen duen agiria aurkeztu beharko da. Diru-laguntza ikasleen matrikulen kostua finantzatzeko erabiltzen bada, erakundearen adierazpen bat aurkeztuko da, Aezkoako ikasleen matrikulen gutzizko kostua adieraziz, pertsona eta kontzeptuka banakatuta.

- Jarduerak sortutako dokumentazio inprimatuaren kopia.

- Beste erakunde publiko eta pribatu batzuetatik jasotako diru-laguntzen zerrenda.

Justifikazioak jaso ahala ordainduko dira diru-laguntzak.

- Justifikatu aurretik proiektua osorik gauzatzeko baliabide propio nahikorik ez duten erakundeek diru-laguntzaren aurrerapena eskatu ahal izanen dute, baldintza hauekin:

1. Proiektuaren % 50 gutxienez egin izana justifikatu beharko da.

2. Ordura arte egindakoari dagozkion fakturak eta dagozkien ordainagiriak aurkeztu beharko dira.

3.- Batzarre Nagusiak justifikatutako fakturen % 80 ordainduko du gehienez, betiere zenbateko hori ez bada aurreikusitako diru-laguntzaren % 50 baino handiagoa; ordainketa azken ziurtagiriaren kontura egin dela ulertuko da.

Ez dira epez kanpoko justifikazioak onartuko.

## 12.- DIRULAGUNTZEN ARAUTEGIA

Deialdi honetan jasotako oinarriak eta bertan aurrikusita ez dagoen gainerako guztia, arautegi hauetan ezarritakoari jarraikiz erautuko da:

Foru Legea, Nafarroako Toki Administrazioaren

Foru Legea, Nafarroako Toki Ogasunena

Dirulaguntzen Lege Orokorra (38/2003 Legea, azaroaren 17koa).

## 13.- HELEGITEAK

Oinarri hauen eta haiek exekutatzeko egintzen aurka honako helegite hauetako edozein jar daiteke:

1.- Aezkoako Batzarre Nagusiaren aurrean, nahi izanez gero, berraztertze-errekurtsua, hilabeteko epean, jakinarazpena jaso eta biharamunetik hasita, 30/1992 Legeak, azaroaren 26koa, Administrazio Publikoko Errejimen Juridikoa eta Prozedura Administrazio Arruntarenak, 116 eta 117 artikuluetan ezarritakoari jarraikiz .

2.- Zuzenean, helegite kontentzioso-administrazioa, dagokion Auzitegi edo Salaren aurrean, jakinarazpena jaso eta bi hilabeteko epean.

3.- Eta, nahi izanez gero, Nafarroako Administrazio Auzitegiaren aurrean gorako helegitea, hilabeteko apean, jakinarazpena jaso eta hurrengo egunetik hasita.

## **HIRUGARRENA.- PIRINIOETAKO PLANARI LOTUTAKO PROIEKTUAK. AURRIKUSITAKO FINANTZAKETA LERROAK**

Gaur argitaratu dira Nafarroako Aldizkari Ofizialean Nafarroako Gobernuko Proiektu Estrategikoen zuzendari nagusiak onartutako diru-laguntzen deialdiak, bai lurralde-garapen jasangarriko proiektuetan inbertsioak egiteko (2021etik 2023ra, biak barne), bai Pirinioetako Planari lotutako ekintzetarako. Duela egun gutxi aurkeztu zitzaizkien Pirinioetako toki-erakunde guztiei, hainbat hitzaldiren bidez.

Era berean, jakinarazten da Turismo, Merkataritza eta Kontsumoko zuzendari nagusiak onartutako laguntza deialdi bat argitaratuko dela datozen egunetan, interes turistikoko bizikletarako ibilbideak sortzeko eta bide berdeak, turismo espazioak eta jabetza publikoko turismo establezimenduak egokitzeko.

Finantzaketa-deialdiak eta urtean zehar Landa Garapenerako Planeko laguntzak Cederna-Garalur elkaratearen bidez ere deituko direla aurreikusten denez, Osoko Bilkurak Batzarre Nagusi honek egin beharreko proiektuak aztertzea erabaki du, bai eta une honetan erabilgarri dauden laguntza guztiak ere, deialdi bakoitzean hobekien egokitzen diren proiektuei dagokienez diru-laguntzak eskatzeari begira irtenbiderik onena bilatzeko.

Bilera bat eginen da alderdi horiek guztiak aztertzeko, eskatu beharreko diru-laguntza eskabideak zehazteko denbora nahikoarekin.

## **LAUGARRENA.- KOLONBIAKO ETA GAZAKO EGOEARI BURUZKO MOZIOAK**

Azken egunotan hedabideetan Kolonbiako eta Gazako egoerari buruz agertzen ari diren berriak direla, Aezkoako Batzarre Nagusiak honako mozio hauek onetsi ditu:

### A/ Kolonbiako egoera dela eta

Aezkoako Batzarre Nagusiak bere kezka adierazi nahi du azken egunetan Kolonbian gertatutakoarekin. Apirilaren 28an Ivan Duque presidentearen Gobernuak ezarritako zerga-erreformarako proposamenaren aurka lanuztea egin zutenetik, 1.120 bat jarduera egin dira, elkarretaratze eta martxa artean, 390 udalerritan eta Bogotan, ehunka mila pertsonak parte hartu dute.

Pasa den apirilaren 28tik, errepresio eta indarkeria polizial eta militarra herrialde osoan zabaldu da. 31 pertsona erail dituzte, 1.443 polizia eta militar indarkeria kasu baino gehiago egon dira, 10 sexu indarkeria kasu ordena publikoko agenteen eskutik eta 38 pertsona baino gehiago daude desagertuta. Hau guztia gertatzen ari den arren, nazioarteko komunitateak ezer esan gabe jarraitzen du, Ivan Duqueren gobernuak Kolonbiako herria inpunitate osos erreprimitzen jarraitzeko bidea libre utziz.

Protesta baketsu horien aurkako errepresioa oso bortitza eta larria izan da Kolonbiako Estatuko segurtasun indarren aldetik, NBEk salatu duenez. Maiatzaren 1ean, Duque presidentek Laguntza Militararako Mandatua agindu zuen, eta Armadako kideak herrialdeko zenbait hiritan egotea erabaki zuen. Horrek giza eskubideen urraketa ekar dezake, Kolonbiako Indar Publikoa borrokarako entrenatuta eta armatuta baitago, eta ez protesta sozialari eusteko. Gainera, Kolonbiako Armada Nazionalak duen armamentua hilgarritasun handikoa da. Horren aurrean, gogorarazi behar da estatuek indar militarren erabilera ahalik eta gehien mugatu eta baldintzatu behar dutela barne-istiluak kontrolatzeko.

Protesta horietan giza eskubideak urratu izanak areagotu du Kolonbiako gizartearen egoera larria; izan ere, Gobernuak ez ditu geldiarazi lider sozialen

eta Bake Akordioak sinatu dituztenen jazarpenak eta hilketak, eta ez du ere hartutako akordio horiek ezartzeko beharrezko elementuak jarri.

Horregatik guztiagatik:

1- Gure elkartasuna adierazten diegu indar publikoaren abusuaren ondorioak jasan dituzten eta jasaten dituzten Kolonbiako pertsona guztiak.

2- Protesta sozial baketsuaren aurka indarra erabili izana gaitzesten dugu eta Kolonbiako gobernuari eskatzen diogu indarra ez erabiltzea.

3- Indarkeria Publikoak (Polizia eta Armada) eragindako indarkeria-gertakari guztiak argitzea eskatzen dugu, eta dagozkion erantzukizunak zehaztea, bai eta bere herriaren aurka zigorrik gabe gauzatzen diren Kolonbiako giza eskubideen eta sarraskien urraketa sistematikoei amaiera emateko konpromisoa hartzea ere.

4.- Kolonbiako Estatuari eskatzen diogu premiaz ezar ditzala babesneurriak eta bizitza juridiko eta sozialaren bermeak, bai lider sozialentzat eta haien komunitateentzat, bai bakearen sinatzaile ohientzat eta haien familientzat, eta protesta sozial baketsua bizitzarako segurtasun-baldintzetan egiteko bermeak ere.

5.- Nafarroako Gobernuari, Espainiako Gobernuari eta Europar Batasunari eskatzen diegu aktiboki parte har dezatela Kolonbiako Gobernuari giza eskubideen urraketekin amaitzeko egiten zaizkion eskakizunetan, giza eskubideen defendatzaileei eta bake-akordioaren sinatzaileei babesa ematen jarrai dezatela, eta giza eskubideen berri eman eta bermatzeko behatzaileen bidalketa ebalua dezatela.

6.- Kolonbiako Gobernuak agintariei eta aipatutako erakundeei bidaliko zaie agiri hau.

#### B/ Gaza-Palestinako egoera dela eta

Israelgo auzitegiek Jerusalemgo Sheikh Jarrah auzotik hainbat familia kanporatzeko eta Israelgo estatuko segurtasun indarrek Al-Aqsa meskitaren aurka egindako erasoaren ondoren, Palestinako tentsioa gogortu egin zen berriro.

Benjamin Netanyahu Israelgo lehen ministroak maiatzaren 11n, asteartea, iragarri zuen Israelek Gazaren aurkako erasoak areagotuko dituela, eta dagoeneko 43 pertsona hil dira, horietako hamahiru adingabeak. Zisjordanian gutxienez bi gazte hil dira, horietako bat adingabea ere. Ildo horretan, azken egunotan ehunka bonbardaketa egin ditu Israelek Gazan.

Israelgo armadak 5.000 erreserbista mobilizatu ditu, eta iraupen zehaztugabeko erasoaldi baterako prestatzen ari da.

NBEk ohartarazi duenez, indarkeriaren areagotzeaz eta horrek Palestinako biztanleengan dituen ondorioez ohartarazi du.

Gertakari horiek direla eta, Aezkoako Batzarre Nagusiak:

- Salatzen du Israelek egin duen giza eskubideen urraketa. Ildo horretan, nazioarteko komunitateari dei egiten dio erasoaldi militar hori geldiarazteko eta elkarrizketarako eta negoziatorako bideei berriro ekiteko, Mahmud Abbas Palestinako presidentek Europako erakundeekin laguntzarekin Nazioarteko Bake Konferentzia bat egiteko egindako eskaera babestuz.

- Nakbaren 73. urteurrenean, Israelek lurralde palestinarren legez kanpo okupatzeko salatu eta gaitzesten du, eta, aldi berean, elkartasuna eta



konpromisoa adierazten du herri palestinarraren giza eskubideen defentsarekin, Nazioarteko Zuzenbideak ezartzen duen bezala.

- Palestinarako laguntza humanitarioa indartzeko eskatu die Nafarroako erakundeei, are gehiago pandemiak haien egoera areagotu duen une honetan.

### **BOSGARRENA.- JAUREGIKO ERAIKINEAN EGITEKE DAUDEN JARDUKETAK: JARRAIPENA ETA GAUZATZEA.**

Jakinarazi da gonbidapenak egin zirela jauregiaren eraikinaren beheko solairua egokitzeko memorian jasotako lanak egiteko (sukaldea barne) eskaintzak aurkezteko. Epea zabalik dago maiatzaren 18a arte, asteartea. Bestalde, berriz aztertu behar da zein altzari erosi behar den. Horretarako, katalogo desberdinak bilatu dira, aurrekontua eskatzeko ereduak zehazte aldera. Datorren asteazkenean bilera bat egitea adostu da, egiteke dauden jarduera guztiak berrikusteko eta ahal den neurrian aurrera egiteko.

### **SEIGARRENA.- OILAGORREN TXARTELAK SALTZEKO BALDINTZAK, 2021-2022 DENBORALDIA.**

Aurreko bilkura batean batean erabaki zen bezala, Batzarre Nagusiak jakinarazpen bat igorri zien oilagorren ehiztariei, azken urteetan txartelen esleipen-prozedurari buruzko iradokizunak egin zitzaizkien. Iradokizun horiek oso egoera zaila sortzen dute, lehentasuna ematen baitiote eskaeraren sarrera-ordenari. Hori dela eta, eskaera posta elektronikoz aurkeztu behar da goizaldeko lehen orduan, edo bulegoa noiz irekiko zain egon behar da, eskatzeko. Ehiztari gehienek proposatu dute hainbat urtez etengabe erosten ari direnei txartelerako sarbidea bermatzen saiatzea, haiek baitira normalean interesik handiena adierazten dutenak.

Egindako ekarpenen baldintzak berrikusita, Batzarre Nagusiaren Osoko Bilkurak honako hau erabaki du: oilagorra ehizatzeko 19 txartel indibidualen salmenta iragartzea, zazpiehun eurotan, gehi BEZ, txartel bakoitzeko, 2021-2022 denboraldirako eta Aezkoako Mendietan baimendutako eremuetarako, indarrean dagoen ehiza antolatzeke planean ezarritakoaren arabera.

Txartelen erabilera arautzen duten baldintzak aurreko urteen araberakoak izanen dira, eta txartelak eskuratzeko prozedura aldatu egingen da, puntuazio-ordena honi jarraikiz:

1.- Aezkoako edozein udalerritan erroldatuta dauden pertsonak, urtean gutxienez bederatzi hilabeteko bizilekua dutenak: 50 puntu.

2.- Aezkoako edozein udalerritan erroldatutako pertsonak eta hori ohiko bizilekua ez dutenak : 40 puntu.

3.- "Los Mozolos" tokiko Ehiztarien Elkarteko kide diren eta aurreko kategorietako batean sartuta ez dauden pertsonak: 30 puntu.

4.- Zenbait denboralditan (urte kopuruaren arabera zenbatzen da) oilagorren ehiza-txartela izan dutenek honako zerrenda honetan adierazitako puntuak lortuko dituzte:

- 10 urte:	30 puntu	- 5 urte:	13 puntu
- 9 urte:	25 puntu	- 4 urte:	10 puntu
- 8 urte:	22 puntu	- 3 urte:	7 puntu
- 7 urte:	19 puntu	- 2 urte:	4 puntu
- 6 urte:	16 puntu	- Urtebete:	puntu 1

Eskatzaile bi edo gehiagoren artean berdinketa gertatuz gero, eta denentzako txartelik ez baldin badago, zozketa bidez esleituko da. Zozketa jendaurrean eginen da, eta egoerak eragindakoak deituko dira. Halaber, txartelak puntuazioaren arabera esleitu eta saldu gabeak gelditzen badira, horiek zozketa publiko bidez esleituko dira ere, eta egoerak eragindako pertsona guztiei agertzeko dei eginen zaie.

Osoko Bilkurak osorik onetsi du oilagorraren ehizarako txartelen esleipena arautzen dituen baldintzen testua, eta akta honi erantsita uztea erabaki da.

## **ZAZPIGARRENA.- HIRIBERRIKO UDALAREN ESKAERA: HIRIBERRI-LANEAN PROIEKTUA BABESTEIA.**

Hiriberriko Udalak sustatutako HIRIBERRI LANEAN proiektuaren berri eman dio Batzarre Nagusi honi. Kultura eta erabilera askotarako udal eraikin bat eraberritu eta egokitzean datza, eta kafetegi bat izanen du. Aezkoako Batzarre Nagusiak proiektu hori babesten du, haren garapena Pirinioetako Planean erabat txertatuta dagoela uste baitu.

Horrela, gure bailarari eragiten dioten alderdi batzuen egoera larriari iraulia emateko lagunduko du, hots, biztanleria eskasiari, sakabanaketari, zahartzeari eta gizonezkoen nagusitasunari, dinamika demografiko negatiboari, oinarritzko zerbitzuen murrizketari eta enplegu faltari, besteak beste.

Gure ustez, oso garrantzitsua da Nafarroako Gobernuak HIRIBERRI LANEAN proiektua kofinantzatzea, 2021, 2022 eta 2023an lurralde-garapen jasagarriko proiektuetan inbertsioak egiteko Pirinioetako Planaren esparruan inskribatutako toki-erakundeei diru-laguntzak emateko deialdiaren bidez. Proiektu hori da, hain zuzen ere, azken hogeitun urteetan Hiriberrin garatu den asmo handienetako bat, handiena ez bada.

Era berean, konpromisoa hartzen dugu tokiko erakunde sustatzailearekin modu proaktiboan lankidetzan aritzeko tokiko herritarrentzat eta bisitarientzat interesgarriak izan daitezkeen dinamizazio, sustapen, komunikazio eta zerbitzuen garapeneko ekintza guztietan. Bi erakundeen ahaleginak batuta Pirinioentzat oro har eta Aezkoarentzat bereziki hain zalantzazkoa ez den etorkizuna lortzen lagunduko duelakoan gaude.

## **ZORTZIGARRENA.- HAINBAT**

### **1- Administrazio elektronikoa ezartzeko eta hobetzeko diru-laguntzak.**

Toki-erakundeei administrazio elektronikoa ezarri eta hobetzeko laguntzak emateko deialdiaren berri eman da, iaz udalerriei soilik eman zitzaizkien antzekoa dena. Prestakuntza iaz fakturatu zenez, aurten zerbitzuaren hobekuntza aurkez daiteke soilik SIR integrazio-modulu bat ezarrita, administrazio publikoen artean erregistro idazpen elektronikoak trukatzeko ahalbidetzen duena. Batzarre Nagusiak erabaki du modulu horri dagozkion laguntzak eskatzea, Toki Administrazioako eta Despopulazioko zuzendari nagusiaren 2E/21 Ebazpenaren bidez onartutako deialdiaren barruan.

### **2- BIC izendatutako lekuetara bisita publikoak eta doakoak**

Vianako Printzea Erakundea-Kulturako Zuzendaritza Nagusiak igorritako idatzia jaso da, eta bertan adierazten denez, Nafarroako Kultur Eskubideei buruzko urtarilaren 15eko 1/2019 Foru Legean araututakoaren arabera,

Batzarre Nagusi honek proposatu duen Orbaizetako Munizio Olako bisita publikoko egutegiari, ordutegiari eta espazio edo bulegoei lotutako datu guziak igorri behar ditu,

Osoko Bilkurak erabaki du Zuzendaritza Nagusiarekin harremanetan jartzea, guneak zehazteko, labeen lehenengo gunea irekita baitago sarbide askerako, eta gunearen kanpoaldea bisitatzeko; gainerako eremuek gaur egun duten segurtasun-falta dela eta, jendearentzat hesituta daude. Ondare Historikoaren Zerbitzuak berriki zaharberitu eta egokitu duen eremuari dagokionez, labea jendearentzat irekita utz daitekeen galdetu behar da.

Batzarre Nagusiaren asmoa da aldian-aldian gune osorako bisita gidatuak antolatzea, eta espazio hori irekitzea bisita horiek egiten direnean .

Bestalde, eta gai horri dagokionez, erabaki da Vianako Printzearen eraberritze lanak zuzendu dituen arkitektoari, Sancho jaunari, informazio panelen diseinu bat eskatzea labe-eraikinaren goiko aldean jartzeko, bai eta segurtasun protokolo bat eta mantentze lanetarako ohizko jarraibideak ere.

### **3- Udalbiltzarekin hitzarmena**

Osoko Bilkurak, aurreko urteetan bezala, Udalbiltzaren eta Aezkoako Batzarre Nagusiaren artean hitzarmen bat sinatzea erabaki du, UDALBILTZA Partzuergoarekin lankidetzara esparru bat ezartzeko, 2021ean herritar guztiei irekitako hainbat programa eta jarduera garatzeko. Horien helburua tokiko garapeneko estrategiak ezagutaraztea da. Batzarre Nagusiak gastuen aurrekontuan aurreikusitako zenbatekoa jarriko du, mila eurokoa, eta UDALBILTZAK egindako jardueren eta programen zerrenda aurkezteko konpromisoa hartzen du.

### **4.- Ezpelzaintza proposamena.**

Abaurregainatik, Ezpelzaintza proiektuaren barruan, Cydalima sitsaren ezpela babesteko proiektuan sartu duten ekintza hau bidali dute. Haraneko herri bakoitzean tranpa bat km2 bakoitzeko jartzea proposatzen da. Batzarre Nagusiak proposamen hori haraneko udal guztietara bidaltzeko eskatu dute. Osoko Bilkurak erabaki du udalekin eginen den hurrengo bileran batera aztertzea.

### **5.- Itzulpen-beharren inkesta.**

Gu Pirinioak erakunde guztiei eskatu die Pirinioetako itzulpen beharrei buruzko galdetegi bat osatzeko. Galdera sorta Euskara Zerbitzuko teknikariari helaraztea erabaki da.

### **6.- Europak zuhaitz bat proposatzea.**

Grupo Europa, gazte-elkarte europazalearen ekimenez, Europako Parlamentuarekin lankidetzan, Europaren aldeko Zuhaitz bat kanpaina abiarazi zen, udalerriek duten garrantzi handiaz sentsibilizatzeko, herritarrengandik hurbil daudelako, gure ekosistemak egoera osasuntsuetan mantentzen lagunduko duten ekimenak bultzatzeko eta gazteria bere etorkizuna eta oraina den borroka horretan inplikatzeko. Nafarroan 30 udalerri baino gehiago batu dira eta landatutako 1.000 zuhaitzetik gora daude.

Batzarre Nagusiaren Osoko Bilkurak kanpainari atxikitzea erabaki du, konpromiso hauekin:

1. Toki-eremuan iraunkortasunari buruzko gizarte kontzientzia handitzea.

2. Tokiko agintarien eta gizarte zibilaren arteko lankidetzaren sustatzea, eta, bereziki, gazteen artekoa, garapen iraunkorra sustatzeko orduan.

3. Gazteek tokiko jasangarritasuna lortzeko duten funtsezko eginkizuna aitortzea, garapen jasangarrian, berotegi efektuko gasen emisioen murrizketan eta kontserbazio ekologikoan duten interesa agerian gelditu baita azken urtean.

4. Europar zehar zuhaitz bat landatzea udalerrira propioan eta uneko argazki bat Grupo Europarekin partekatzea, jasota gera dadin.

5. Komunikazio instituzionalean, webgunean eta sare sozialetan tokiko iraunkortasuna sustatzeko kanpaina bat sustatzea eta beste alkate batzuk ekimen honekin bat egitera bultzatzea, #UnArbolPorEuropa leloa erabiliz.

## **7.- Gaitasun digitalerako ikastaroak.**

Telekomunikazioen eta Eraldaketa Digitalaren Zuzendaritza Nagusiak gaitasun digitaleko ikastaroak zabaldu nahi ditu. Iaz, Lansareak pertsona ekintzaileei edo langabeek ematen zizkien ikastaro horiek, aurten herritar guztiei eskaini nahi zaizkie. Horretarako, erabilgarri dauden ikasgelen inbentarioa egiten ari direnez, jakin nahi dute: batetik, zein erakunde dagoen horrelako prestakuntza jarduerara bat hartzeko prest; eta, bestetik, interesatutako horiek zenbat gela dituzten erabilgarri, ekipamendu informatikoa duten, Internetarako sarbidea edo Wifia dagoen eta abar. Ikastaroak udako hilabeteetan eginen lirateke eta gutxienezko parte-hartzaile kopuru bat eskatzen dute.

Kanpaina honetan 3 maila egonen dira: 0 (alfabetatzea), 1. maila, 2. maila. Osoko Bilkurak erabaki du ikastaro horiek antolatzeako Aezkoako Etxeko aretoa erabili daitekeela jakinaraztea.

## **8.- Kaleratzeari buruzko lan-auzia.**

Batzarre Nagusi honi jakinarazi zaio, Agorreta jaunak kaleratzeari buruz jarritako lan auzia dela eta, adiskidetzaren ekitaldia eta epaiketa zehaztu dela. 2020ko azaroan, langile horrek erreklamazioa aurkeztu zuen, Batzarre Nagusiari aldizkako finkotzat jotzeko eskatzeko, eta Batzarre Nagusiak jakinarazi zuen Aurrekontuen Lege Orokorrean debeku espezifiko bat zegoela, eta, ezin zitzaiela mugagabe ez-finkoaren izaera egotzi aldi baterako lan kontratua zuten langileei, ezta aldi berean dagokion administrazioarekin administrazio-kontratua duten enpresetako langileei ere, ebazpen judizial baten ondorio izan ezean. Ondoren, Agorreta jaunak demanda bat aurkeztu zuen lan arloko jurisdikzioan, aldizkako finkoaren izaera onartzeko eskatzeko; epaiketa honen data aurtengo urrirako ezarri da.

Aurtengo otsailean, Batzarre Nagusiak Iratiko informazio eta zaintza zerbitzuko langileak kontratatzeako zerrenda eratzeko proben deialdia egin zuen. Agorreta jauna aurkeztu zen proba horietara. Pertsona guztiei puntuazioaren eta zerrendaren hurrenkeraren berri eman ondoren, Agorreta jaunak aldizkako langile finkoa dela uste izan du, eta Aste Santuan lanerako deitu ez ziotenez, Batzarre Nagusiak kaleratu duelakoan dago. Lanpostuetarako deiak puntuazio ordenaren arabera eginen dira; beraz, zerrendetan posizio hobean dauden pertsonetako batek lanpostua hartzeari uko egiten ez badiu, Agorreta jaunak ezinen du kontratu bat lortu urte horretan.

Apirilaren 23an, kaleratzeagatik aurretiazko erreklamazioa aurkeztu zuen Batzarre Nagusi honetan, eta gaur bilkurara ekarri da. Ondoren, lan arloko

3. epaitegian izapidetutako kaleratzeagatiko lan-auzia ezarri dela akinarazi zaio Batzarre Nagusi honi. Administrazio Publikoen Administrazio Prozedura Erkidearen urriaren 1eko 39/2015 Legeak lan-arloko jurisdikzioa arautzen duen Legea aldatu ondoren, ez da bidezkoa kaleratzea dela-eta lan-auzia jarri aurreko erreklamazioa aurkeztea. Hori dela eta, eskatzaileak ondoren aurkeztutakoa ikusita, eta aurretik zehaztutako guztia kontuan hartuta, Batzarre Nagusi honek erabaki du demandatzaileak planteatutako bi epaiketetan agertzea.

#### **9- Garazitik heldutako proposamenak.**

Garazi eta Munhoako ikastolek eta Buru Beltza elkarteak Bortuaren Eguneko ekitaldiak antolatu nahi dituzte, uztailaren 24/25eko asteburuan, Iropilen, Aezkoaren eta Garaziren arteko bazken hitzarmena sinatzearekin batera.

Bi erakundeek beharrezko baimenak eta antolaketan laguntzea eskatzen dituzte. Programa 2019koaren antzekoa izanen litzateke, abere erakusketa eta lehiaketak, eta merkatu txiki bat antolatuko litzateke. Eta jan-edanetarako sistema errazagoa antolatu nahi dute ere. Ibilgailuen aparkatzea hobeto antolatzea eskatu dute, eta baita egin nahi diren ekintzetarako baimenak eskatzea ere, guztia behar diren osasun neurrien pean. Aezkoako Batzarre Nagusiak arduratuko da karpa eta aulkiak emateaz.

Osoko Bilkurak proposamen hori onartzea erabaki du.

Bestalde, sindikatuak eskatu du beste hiru abelburu sar daitezela, abereak Konpaskuentzia aldean dituzten artzainei dagozkienak, eta hori ere Udalbatzak onartu du.

#### **10.- Irati web-orria mantentzeko proposamena.**

Irakurri da 2021ean zehar lau ibarretako web orriko eta POCTEFA proiektuaren barruan sortutako sare sozialen edukia mantentzeko proposamena, irakurri dira. Datorren astelehenean proiektu horretan parte hartzen duten erakunde guztien arteko bilera bat dagoenez, bilera horretan aztertzea erabaki da.

#### **11- Loizuko gizonari buruzko hitzaldia.**

Batzarre Nagusi honi proposatu zaio Loizuko gizonaren aurkikuntza arkeologikoari buruzko hitzaldi bat antolatzea. Erroibarren egin da jada, eta jende askok ezin izan zuen bertara joan, edukiera mugatua zuelako. Hitzaldia eman zuen pertsona Aezkoara etortzeko prest dago, hori hemen ere egiteko. Osoko Bilkurak erabaki du Aezkoako Etxean Loizuko gizonari eta Aizpeako emakumeari buruzko hitzaldi bat antolatzea.

#### **12- Nabala-Itolazko pista konpontzea**

Batzarre Nagusiak txosten bat eskatu zuen egindako baso-ustiategiek Nabala-Itolazko pistan eragindako kalteak neurtu eta ekonomikoki baloratzeko. Txosten hori igorri zitzaion bi egur erosleri, pista hori beren loteak ateratzeko erabiltzen dutenei hain zuzen, batzuetan oso eguraldi txarra zegoenean erabili dutelako. Batzarre Nagusiari planteatu diote pista erabili dituzten hiru egur-erosleak izan daitezela konponketaren erantzuleak, izandako erabileraren proportzioan. Haiekin guztiekin hitz egingen da berriro, konponketak nola egin behar dituzten zehazteko.

Era berean, presidenteak adierazi du Gibealeko pista luzatu ahal izateko trazadura markatu dela eta goiko alderaino joan behar dela hura ikustera.

Egun horretan bertan ere, bailarako bizilagunei esleitutako txabolen ikuskatzea egitea proposatu zuen.

### **13- Udalekin izanen den bilera.**

Batzarreburu jaunak jakinarazi du Aezkoako udalei biltzeko deia egin zaiela. Bilkura datorren astelehenean, maiatzak 17, 20:00etan, izanen da, eta honako gai-zerrenda izanen du: Kultura: antzerki-zikloaren proposamena; IBR: behien txertaketa; Pirinioetako Mahaia: Aezkoako proposamena; hurrengo diru-laguntzetarako lan komunak; eta beste batzuk.

Eta aztertzeko gai gehiago agertu ez denez, bilkura bukatutzat eman da goian adierazitako eguneko arratsaldeko seiak zirela. Errandakoa jasotzeko akta hau luzatu da, eta nik, idazkariak, egiaztatzen dut.